

# Universitätsbibliothek Paderborn

# **Panegyriques De Monsievr Verjvs**

Verjus, Jean Paris, 1664

Panegyriqve De La Vie Religievse.

urn:nbn:de:hbz:466:1-14842



# PANEGYRIQVE

DELA

# VIE RELIGIEVSE.

Introduxit me Rex in cellaria sua, lætabimur & exultabimus in te, Cant. 1.

Le Roy m'a introduite dans ses cabinets, j'en seray l'onique objet de majoye & de ma satisfaction.

'Es T vn agreable spectacle aux yeux de Dieu & de ces bien-heureux esprits, qui ont tant de joye de la conuersion des pecheurs, de vous voir aujourd'huy, ma chere Sœur, com-

mencer à porter les liurées de la penitence & de la perfection: Et pour moy j'auouë que je ne puis assez louier cette generosité vrayement Chrestienne, qui vous fait prendre sur vous les marques d'vne vie sainte, dont les pratiques semblent si dissicles, mais dont les auantages sont si grands, Talis erat dont la noblesse est aussi ancienne que la Relipore Apostogion que nous professons, dont la sainteté a fait lorum Eccle-

fia quales nunc pauci Monachi. Casian.

maturam Dei. Ephes. 6.

Rom. 13.

pitis galea & clypeus aduerlus ictus tentationum. Tertullian.

autrefois toute la Majesté de l'Eglise naissante, & toute la gloire des premiers Chrestiens. Vous executez à la lettre ces admirables preceptes du grand Induite ar- Apostre, qui nous commande de nous reuestir d'vne armure complete, que Dieu nous offre luymesme afin de combattre pour son seruice. Si l'action que vous allez faire n'est pas vne vaine ceremonie, si elle est animée de l'esprit & de la verité, qui doit accompagner toutes les actions, dont on honore le vray Dieu; vous aurez encore lans doute l'esprit & le cœurreuestus de ces armes Armalucis. de lumiere, ces armes inuincibles de foy, de verité & de justice, dont parle Saint Paul, qui sont à l'épreuue de tous les traits enflammez du Demon. Velamen ca- Tertullien dit, que le voile des vierges Chrestiennes est vn casque & vn bouclier impenetrable contre tous les efforts de l'ennemy de nostre salut, qui nous attaque par tout auec tant de rage, & auec tant de fureur; qui est si puissant & si redoutable, que nous ne pouuons jamais estre assez armez contre ses assauts. Mais puisque vous auez déja renuerlé par vostre courage toute la pompe des vanitez du siecle, qui sont ses principales machines; puisqu'en fuyant vous auez remporté vne victoire si illustre sur le monde, qui vous attaquoit auec tous ses attraits & tous ses charmes; on peut dire que ces armes, dont vous vous chargez, sont plustost des ornemens de vostre triomphe, que des preparatifs de guerre & des instrumens de combat. Ie croy mesme qu'il est plus à propos de pren-

dre auec le mesme Tertullien ces vestemens sacrez, pour les ornemens & la parure des épousailles saintes, que vous allez contracter auec le celeste Espoux. Nous lisons dans l'Escriture qu'vn puissant Roy de toute l'Asie ayant choisi dans les prouinces de son Empire toutes les filles les plus parfaites par la beauté du corps & de l'esprit, pour en faire autant de Reynes; il fit donner à chacune des ornemens precieux & magnifiques, & leur laissa vn temps assez long pour employer tous les artifices possibles à ajoûter de nouueaux charmes à leurs beautez, afin qu'elles se rendissent par ces preparatifs plus dignes de l'honneur qu'il leur vouloit faire. C'est à peu prés, ma chere Sœur, l'image de ce que vous deuez pratiquer dans cette sainte maison. Vous quittez aujourd'huy les derniers restes de ce grand appareil de luxe & de vanité, qui ajoûtant d'ordinaire quelque agréement pour le corps aux personnes de vostre sexe, peut dépoüiller l'ame de ses plus beaux & de ses plus precieux ornemens. Vous estes resoluë de vous défaire enfin des moindres marques de la seruitude honteuse du monde dont vous sortez, pour vous reuestir de ces habits sacrez, que vostre époux vous donne. Vous ne deuez auoir autre soin d'oresnauant que de vous parfumer & de vous orner de toutes les vertus, pour estre digne de ce diuin Expletisommariage auquel vous estes destinée. Les maria\_nibus, quæ ges du monde se font sans doute auec beaucoup ad cultum pertinent. d'éclat; vn luxe prodigieux dans les vestemens, Ephes. c. 2.

dans les meubles & dans tous les autres preparatifs leur donne quelque splendeur exterieure: mais souuent, peut-estre par vn juste jugement de Dieu, qui punit ces vanitez & ces profusions criminelles, auec tant de pierreries il se trouue encore plus d'épines & de déplaisirs secrets, qui en rendent le joug insupportable. Le mariage, que le Fils de Dieu traitte auec vous, n'est pas de cette nature. Si les preparatifs en sont humbles & simples, les auantages en sont si considerables que leur nombre & leur grandeur surpasse tout ce qu'on en peut dire, & deuroit melme m'empelcher d'en parler, de peur de rabbaisser par mon discours la dignité de mon sujet. Mais enfin l'admiration & l'estime pour vostre dessein, & la part que je prens à vostre bon-heur ne me permet pas le silence, que je n'oserois rompre neantmoins qu'aprés auoir imploré le secours de celle, qui ayant esté l'Espouse du Saint Esprit aussi bien que la Mere du Verbe, conclud seule par son consentement cette admirable alliance, que le Fils de Dieu prit auec nostre nature dans ses slancs sacrez, lors que l'Ange luy dit, AVE MARIA.

A Bandonner tout ce qu'on a de plus cher dans le monde, fouler aux pieds par vn mépris genereux ce que tous les hommes recherchent auec tant de soins & de peines, s'interdire pour jamais tous les plaisirs qui semblent faire le bon-heur de ceux qui les goustent, s'arracher à

foy - mesme pour s'immoler comme vne viuante hostie à la penitence & à la mortification; c'est vne entreprise si grande & si difficile, que si Dieu n'en inspiroit le dessein par sa grace, & n'en fortifioit l'execution par la promesse de ses recompenses, elle seroit tout-à-fait impossible à la foiblesse de l'esprit humain. Car les creatures nous charment auec de si puissans attraits, leur éclat frappe si agreablement nos yeux, & leurs douceurs trouuent tant d'intelligence dans nostre cœur, qu'il n'y a que la veue des grandeurs & des beautez immortelles du Ciel, qui soit capable de leur oster nostre affection & nostre estime. Aussi Dieu, qui met toute sa gloire dans nostre bon-heur, & dont le desir qu'il a de nous rendre heureux ne luy permet pas de souffrir que nous nous attachions à d'autres objets qu'à luymelme, doit ouurir tous les threlors, & étaler toutes ses richesses, pour nous attirer à son service, & pour nous y retenir lors que nous y sommes entrez.

Comme sa puissance est infinie aussi bien que sa bonté, il n'a garde de se laisser vaincre en generosité par sa creature; il couronne d'une gloire immortelle des merites imparfaits & defectueux, dont tout le prix vient de sa seule grace. Vn verre d'eau donné en son nom luy semble digne d'un Royaume eternel, les moindres essorts que nous faisons pour nostre bien passent auprés de luy pour des seruices importans; & ce qui est au delà

de toutes les regles de la generosité, estant ses ennemis, comme dit l'Apostre, il s'est reconcilié auec nous, il nous a fait ses enfans, les heritiers de son Royaume, & les coheritiers de IESVS-CHRIST son Fils vnique. Quel sentiment de tendresse & d'amour croyons-nous donc qu'il ait pour vne ame, qui se consacre à luy toute entiere, & qui ne veut plus auoir d'amour ny d'estime que pour luy, qui ne regarde plus que luy, & ne veut viure &

respirer que pour luy seul?

Certes, si Dieu ne dement point sa bonté & sa liberalité toute diuine, s'il ne manque point aux promesses qu'il a faites de recompenser dés cette vie au centuple, ceux qui quitteront quelque chose par ses conseils & pour son service; il faut qu'il rende à ces ames heroïques quelque chose de si grand, de si riche & de si magnisique, que toutes les creatures qu'elles ont méprisées ne leur paroissent rien au prix; asin qu'elles voyent clairement combien les conseils de Dieu sont siedeles, combien leur choix a esté juste, combien leur condition est heureuse.

C'est pour quoy si tost que l'épouse sacrée des Cantiques a témoigné l'ardente passion qu'elle a pour son époux, l'estime qu'elle fait de ses perfections, & les agréemens qu'elle trouve dans sa compagnie; elle confesse que ce grand Roy n'a pas dédaigné ses respects & son affection, qu'il l'a introduite dans ses thresors, pour luy en montrer toutes les richesses, Introduxit me Rex in cellaria suas

& toute transportée d'aise d'vne si grande faueur, elle ne se peut empescher de faire éclater sa joye par ses actions de grace, & de témoigner que ses contentemens sont si parfaits, qu'elle n'a point de paroles pour en exprimer la grandeur: Latabimur, dit-elle, & exultabimus in te.

Ie veux aujourd'huy luy seruir d'interprete, & faire voir la grandeur & la richesse des thresors que le Roy du Ciel communique à ses épouses, & ensuite les veritables joyes que cette signalée faueur leur doit causer. Ce seront les deux

parties de ce discours.

La richesse & la magnificence de Dieu éclare allez lans doute dans tous les ouurages. Les diuerses beautez de toutes les créatures, les lumieres de tant d'astres si vastes dans leur grandeur & si admirables dans leurs effets, les vertus des Cieux & les influences puissantes de ces corps merueilleux, la fertilité de la terre, la varieté des fruits qu'elle produit, des animaux qu'elle nourrit, des métaux qu'elle resserre dans son sein, la fecondité prodigieuse de la mer, le nombre, la grandeur, le prix & l'éclat de ses productions extraordinaires; enfin les perfections, les vertus, l'ordre & la structure de toutes les parties qui embellissent l'Vniuers, nous font affez voir qu'elles partent d'vn fond inépuisable de richesses & de perfections. Mais on peut dire neantmoins, que toutes ces choses, que nous voyons, ne sont pas les thresors & les richesses de Dieu. Il en donne la joüissance à ses

ennemis aussi bien qu'à ses plus chers enfans & à ses plus fideles seruiteurs. Il fait leuer tous les jours son soleil sur la teste des coupables aussi bien que sur celle des innocens, pour répandre sur eux la lumiere, qui est le premier, le plus precieux & le plus beau de tous ses ouurages. Il a donné mesme les plus grands Empires aux plus injustes & aux plus ambitieuses nations de l'vniuers: & il semble auoir fait le partage de ces biens sensibles auec tant de mépris & auec si peu de choix, que les hommes ont pris de là occasion d'en attribuer l'intendance & la dispensation à vne divinité aueugle & temeraire qu'ils ont appellée Fortune, dont ils ont crû que la bizarre humeur fauorise le crime & prend plaisir à rendre les vices heureux, & les vertus miserables.

Mais les veritables thresors de Dieu sont bien d'vn autre prix & d'vne autre importance auprés de luy. Il les cherit bien d'vne autre sorte; il les ménage auec bien plus de soin, & il semble qu'il les distribuë auec bien plus de connoissance de cause. Comme leur possession dépend absolument du desir de les possesser, & qu'il est impossible d'en connoistre parfaitement le prix, sans estre puissamment touché de leur amour; il n'en accorde la veuë mesme qu'à des ames choisses, qui se sont renduës dignes de ses faueurs par leur obeissance & leur sidelité. Introduxit me Rex in cellaria sua. Mon Dieu, dit cette ame qui s'est donnée toute entiere à Dieu, vous m'auez déployé tous

はないとうないないとうできないのできないのできないのできないのできないのできない。

vos thresors, vous m'auez découuert toutes vos richesses.

Les veritables richesses de Dieu, à parler proprement, c'est Dieu mesme. Comme il comprend dans sa nature toutes les perfections imaginables, il est rempli de ses propres biens, & n'a besoin du secours de personne pour jouir d'vne parfaite felicité. Il est donc toute sa richesse; mais il est encore la richesse de tous les hommes & de tous les Anges, puisqu'il n'y a que la possession de Dieu qui puisse remplir leurs desirs & donner vn parfait repos à leurs cœurs. Il s'est communiqué à nous auec des profusions inconceuables, il nous a donné son Fils vnique, la splendeur de sa gloire, & l'image viuante de sa Majesté, qui par vne insinité de mysteres adorables s'est vni à nostre nature, & s'estant voulu faire homme pour nous faire des Dieux, a executé ces deux grands changemens par mille adorables prodiges. Il nous remplit encore tous les iours d'vne lumiere diuine, qui est vn écoulement & vne participation inesfable de sa nature. Il vient en nous & y habite comme dans son temple; & enfin comblant nos amesde graces & de dons precieux, il nous nourrit de l'efperance de posseder vn jour parfaitement toutes les grandeurs.

Voilà, ma chere Sœur, les thresors que le Roy de la nature & de la grace cache aux superbes, & aux sages du siecle, & qu'il découure à ceux qui se soumettent auec humilité à sa doctrine & à ses

Rom. 10.

loix. Voilà les richesses dont il vous fera connoistre le prix, & qu'il vous departira auec abondance dans cette sainte maison. Car il est riche pour nes qui in- ceux qui l'inuoquent, dit le grand Apostre: il est uocant'eum. riche en mysteres, il est riche en grace & en misecorde, il est riche en bontez & en prodiges d'amour, mais pour ceux qui l'inuoquent, pour ceux qui reconnoissent la foiblesse & la perfidie des creatures à nous promettre des biens qu'elles ne peuuent nous donner, qui ont recours à l'autheur de tous les biens, & s'attachent entierement à son seruice, pour ne s'en départir jamais. Que vous estes donc heureuse, je ne dis pas de vous estre déliurée par vn effort plein de courage & de vigueur des miseres de la vie du siecle, que les Saints Peres exagerent auec tant d'éloquence, & que ceux melme qui sont contraints de les souffrir, déplorent auec tant de plaintes; je ne dis pas de ce que vous estes échapée de tant de perils qui menacent ceux qui courent auec ardeur aprés la figure passagere du monde; mais parce que vous auez obligé vostre Dieu de faire confidence auec vous de tous ses secrets, de lier auec vostre cœur vne sainte familiarité, qui vous donne droit de connoistre ses plus sublimes mysteres, & de posseder ses plus precieuses graces! Car il est vray que nostre Dieu estant la bonté essentielle, n'a point de plus forte inclination que de se communiquer aux hommes en autant de manieres qu'il est possible : Delicia mea, dit-il, par la bouche de son Sage, esse cum filijs

Prou. S.

hominum. S'il peut auoir quelque gloire & quelque satisfaction hors de cette connoissance infinie, & cét amour souuerain qu'il a dans l'éternité pour ses adorables perfections; il n'en peut auoir d'autre que de découurir les grandeurs aux hommes, & d'attirer par là leurs respects, leur amour,

& leurs louanges.

Mais il ne fait pas neantmoins ces faueurs indifferemment à tous les hommes. Il faut le chercher, & le chercher de tout son cœur pour le pouuoir trouuer, quarite Dominum in toto corde vestro, & inuenietis illum. Helas, Messieurs, pendant que nous allons aueuglement aprés toutes nos conuoitifes contre les defenses expresses du Saint Esprit; pendant que nous nous égarons dans la poursuite des biens trompeurs, dont le faux éclat nous attire dans des precipices; pendant que nous confumons toutes les forces de nostre cœur, & que nous épuisons tous nos desirs pour des phantoimes de plaisir & de grandeur; pensons-nous pouuoir chercher Dieu? C'est le fuir & s'écarter de luy malheureusement, c'est s'engager dans des voyes qui semblent droites aux yeux des hommes, com- Si requisisset, sequeme parle l'Ecriture, mais qui conduisent effecti- retur vt couement à la mort. Si nous le cherchions, dit Ter-gnosceret, tullien, nous le connoistrions; si nous le connois- de cognituit sions, nous aurions pour luy plus de respect, & & observanos respects nous le rendroient plus fauorable.

Mais bien loin de cela; pour punir cette inju-retur. stice des hommes, Dieu se cache à eux auec autant Apolog. c. 40.

& cognitum tum propi-

M 11

de justice, qu'il auoit témoigné de misericorde par le desir de se communiquer. Ils ne voyent goute dans les plus éclatantes veritez de nostre lainte foy; les plus viues lumieres du Ciel ne font que les aueugler; & s'ils connoissent quelque chose de nos mysteres, c'est plustost pour en prophaner la sainteté, que pour leur rendre les respects qui leur sont deus. Les sublimes connoissances de l'Euangile ne penetrent pas leurs esprits grossiers & attachez à la terre; les rayons du soleil de justice ne peuuent percer les épaisses tenebres qu'a répandu dans leurs ames le feu impur des passions déreglées; de mesme qu'vn miserable vaisseau destitué du secours des astres & des matelots, ils sont emportez comme dans vne affreuse nuit au gré des tempestes de leurs conuoitises effrenées.

Il n'en est pas de mesme, Messieurs, de ces ames saintes, qu'vn sousse fauorable de l'esprit de Dieu a poussées heureusement dans le port. On peut dire d'elles ce que le grand Saint Denys a dit des esprits celestes. Leur pureté & leur tranquillité les rend comme des miroirs brillans, où le Pere des lumieres se plaist à imprimer toutes ses splen-Cum appa- deurs. Il s'y peint soy-mesme tout entier, &y exprime toutes ses perfections, autant qu'il est posfible; & trouuant leur cœur dégagé des affections basses & impures de la terre, & leur esprit vuide des nuages des erreurs & des faussetz du monde, il y répand toutes ses lumieres, il y allume tous les feux de son amour.

ruerit fimiles ei crimus. 1. Ioan. 3.

Pendant que Moyse vescut à la Cour d'Egypte, honoré comme l'heritier presomptif de la Couronne, & regardé de tout le monde comme l'esperance de ce puissant Estat; parmi tous les plaisirs & tous les contentemens, que produit vne fortune si éclatante, Dieu ne l'honora jamais de la moindre visite: mais si tost qu'il eut foulé aux pieds, comme parle l'Apostre, le Sceptre & la Couronne de Pharaon, pour se parer des opprobres de IESVS-CHRIST, dont il estoit la figure, Maiores diuitias astimans Thesauro Ægiptiorum improperium Christi; si tost qu'aprés auoir abandonné tous les thresors de l'Egypte & toutes les grandes esperances qu'il y auoit, il se fut allé cacher dans les solitudes de l'Arabie: ce fut alors que Dieu se découurit à luy, qu'il luy fit voir sa grandeur par des apparitions merueilleuses, & qu'il le remplit d'assez de lumieres, pour en répandre sur tout vn grand peuple, & en suite sur toutes les nations de la terre. Le peuple Iuif ne vit les grands miracles & les prodiges que la puissance infinie de Dieu fit pour luy, qu'aprés auoir quitté l'Egypte & quand il se vit au fond des deserts. Ce fut lors que ce maistre misericordieux, qui l'auoit tiré d'vn estatsi miserable, sit éclater à sa veuë de si grandes merueilles en sa faueur; il alluma de nouueaux astres dans le Ciel pour les conduire, il leur donna du pain du Ciel pour leur nourriture, il tira de la dureté d'vne pierre pour leur boisson vne eau plus pure que le cristal, & plus douce que le miel, M 111

Heb. 11.

bit scientiam & auditum? ablactatos à tudine. Isa. 28.

comme parle le Prophete : il les fit accompagner par vn des plus illustres Anges des trouppes cele-Ites, pour combattre tous leurs ennemis, & pour Quem doce- les defendre de toutes les incommoditez. Tant il est vray, ce que dit le Prophete Isaïe, que Dieu quem intel- ne reuele ses secrets, & ne fait connoistre ses merligere faciet ueilles qu'à ceux qui ont quitté la foule, le bruit & l'éclat du monde pecheur, qui se sont jettez dans lacte, auul- la voye étroite du Ciel, & ont choisi pour demeufos ab vberi- re les lieux écartez du tumulte; où la vertu demeutabit in foli- re, mais dans la folitude, accompagnée d'vn petit nombre de sectateurs.

C'est là, Messieurs, que Dieu fait voir à découuert toutes ses grandeurs : c'est là qu'il fait briller aux yeux des ames pures les diuines clartez qu'il cache aux esprits orgueilleux & superbes. Pendant que nous sommes engagez dans vn amour déreglé des creatures, nous sommes enuelopez d'une horrible nuit : l'émotion furieuse des passions excite des nuages épais, qui ostent le jour à Superceci- l'esprit, & arrestent les rayons du Ciel; ce seu nonviderunt estranger jette tant de fumée, qu'ils ne peuuent plus voir le Soleil. Mais ceux qui se sont dépoüillez de toutes les affections humaines sont ceux qui imitent ces purs Esprits, qui voyent dans le Ciel à découuert la Majesté du Roy de gloire, ceux qui n'ont plus de commerce auec le corps, ny auec toutes les choses de la terre, par la tranquillité & la serenité de leur esprit; ceux-là, dis-je, ont droit de receuoir toutes les plus fauorables in-

dit ignis & folem. Pf. 57.

NAME OF THE PROPERTY OF THE PR

fluences du Soleil éternel de la verité.

La premiere chose qui se cache aux vns & qui se découure aux autres, c'est la grandeur & la majesté des perfections de Dieu. Il est vray que toutes les parties de l'vniuers ayant le caractere de la majesté de leur autheur graué dans le fond de leur nature, ne sont que pour conduire nos esprits à sa connoissance & à son amour. C'est frustrer ses intentions & s'opposer à ses desseins, que d'en vser d'vne autre sorte. Mais cependant, Messieurs, combien croyez-vous qu'il y ait de personnes qui se seruent des creatures pour vne fin si legitime? Les pecheurs s'en seruent à des-honorer celuy qui les a faites si belles en elles-mesmes & si vtiles aux hommes: les Philosophes en ont consideré les perfections & les bonnes qualitez, sans jamais leuer les yeux vers celuy qui en est l'autheur & la source: presque tous enfin, sans en considerer la fin Deum glori-& le veritable vsage en ont pris occasion de mécon- Rom. 1. noistre Dieu. C'est ainsi que les hommes se sont aueuglez & se sont perdus par ce qui deuoit estre la cause de leur salut. Ils ont quitté Dieu pour ses ouurages, ils ont preferé les ruisseaux troubles & bourbeux à la source. Mais au contraire, vne ame qui est veritablement touchée de Dieu, & qui a mis toutes ses esperances en luy, n'a plus ny estime ny amour pour tout ce qui est au dessous de cette bonté infinie: elle n'est plus en danger de se voir cacher par les voiles des creatures la Majesté du Createur; elle reconnoist son Dieu par tout,

Non ficut

95

elle remarque des traits de ses perfections dans toutes les parties de la nature, elle admire sa puissance & sa bonté dans la varieté & la grandeur de ses ouurages; elle admire sa sagesse dans la conduite si reguliere & si juste de ce grand Vniuers, elle admire sa prouidence dans l'ordre de ses arrests & dans la justesse de son gouvernement, elle admire sa justice dans la punition des coupables, & sa misericorde dans la recompense des justes. Enfin il n'y a rien dans le monde qui ne découure à ses yeux les thresors des perfections de Dieu. C'est en cét heureux estat qu'elle connoît les qualitez adovirtus & di- rables de son Dieu, & qu'elle est pleinement persuadée des profonds respects, des abaissemens sinceres, de l'obeissance parfaite qu'elle doit à vne nature si excellente & si sublime: elle voit clairement ses obligations & ses manquemens, elle conçoit nettement sa propre foiblesse & le besoin qu'elle a du secours de son diuin Maistre, & dans ces sentimens si justes, elle n'a point d'autres desirs que de s'vnir de plus en plus à son Dieu, que de s'approcher dauantage de celuy qu'elle reconnoist pour la source inépuisable de tous les biens, qui ne se laisse jamais vaincre, qui fortifie sa veuë, augmente ses lumieres, & luy découure tous les jours des Mysteres plus releuez.

En effect, Messieurs, encore que Dieu soit infiniment grand & incomprehensible dans luy-mesme, & qu'il n'y ait pas vn de ses diuins attributs, qui ne passe de bien loin la portée de nostre intel-

ligence;

Sempiterna quoque ejus uinitas.

Rom. I.



ないのできたがないないのであるというないのできないのできないのできないのできないのできない。

ligence; il faut auouer neantmoins qu'il n'y a point d'abismes plus profonds & plus impenetrables que ce qu'il a voulu faire pour nous par son Fils. Car si nous considerons tous les Mysteres de laRedemption des hommes, nous verrons par tout que les rayons de ce Soleil eternel y sont eclypsez, que tous les auantages & tous les privileges de cette Nature incomprehensible y sont cachez, ou pour parler auec S. Paul, y sont aneantis entierement. Son Immensité y est retraissie dans l'espace semetipsum. d'vn petit corps, son Eternité y est bornée par le temps, sa Puissance y est sujette à toutes les foiblesses d'vne nature impuissante, son Immutabilité est alterée par tous les changemens, son Immortalité semble y estre étouffée dans vne mort pleine de honte & de douleur.

Ainsi dans tous les Mysteres du salut des hommes nostre Dieu est veritablement vn Dieu caché, Deus absconditus; il est caché dans les bassesses, dans la pauureté, dans les douleurs & dans les miseres, enfin sous la figure d'vn esclaue & d'vn pecheur. Mais dans toutes ces choles il y a des richesses ineffables, des thresors infinis, des merueilles sans nombre & sans fin. Car, comme dit l'Apostre Saint Paul, c'est dans IESVS-CHRIST que sont renfermez tous les thresors de la sagesse infinie & de la science de Dieu; c'est dans les abaissemens glorieux, dans les douleurs salutaires, dans l'indigence magnifique du Sauueur que se rencontrent toutes les richesses des graces & des faueurs de

Exinaniuit

l'adoption & de l'heritage celeste du Pere Eter-

nel, dont parle le grand Apostre.

Quibus vo-Sacramenti hujus, quod Coloß. 1.

Pfal. 23.

O mon Dieu, que le bonheur est grand de ceux tas facere di- à qui vous auez découuert pleinement ces threuitias gloriæ sors! Que ceux, qui sont admis à la contemplation & à la participation de ces richesses, sont diest Christus. gnes d'enuie & d'admiration! Mais qui sont ces heureux? quis ascendet in montem Dei, aut quis stabit in loco sancto ejus? qui sont ceux que Dieu reçoit sur sa sainte montaigne, & ausquels il donne vne retraite eternelle dans sa place de salut & de seureté? Ce ne sont pas sans doute ces malheureux esclaues des plus viles creatures, ces Idolatres des vanitez de la terre, qui sacrifient sans cesse aux Diuinitez trompeuses qu'ils adorent les interests de Dieu & les esperances de leur bonheur eternel. Ils sont dans les tenebres, ou plûtost ils sont eux-Et tenebræ mesmes d'horribles tenebres, qui ne peuuent comprendre la lumiere eternelle du Verbe fait chair. Celuy qui nous a defendu de profaner ses faints Mysteres en les étalant deuant des animaux immondes, n'a garde de faire cette injure à des choses pour lesquelles il veut que nous ayons Neque habi, tant de respect. Celuy qui veut que nous nous separions de la compagnie des impies à cause de l'horreur que nous deuons auoir du crime, n'a garde de souiller luy-mesme sa pureté par vne compagnie si contagieuse. Il aime ceux qui ont le cœur pur, & c'està eux seuls qu'il veut accorder la Beatimun- veuë de sa Majesté, & dans le Ciel & dés cette vie,

tabit juxtà te malignus, neque permanebunt injusti ante oculos tuos. Pfal. s.

eum non comprehen-

derunt.

Ioan. I.

autant que l'imperfection qui luy est attachée en do corde

est capable. Dieu ayant resolu de faire voir au peuple luif debunt.

quelques marques de sa grandeur, pour luy impri- Matth. 5. mer la terreur de sa puissance, & le desir d'obeir aux loix qu'il luy vouloit donner, choisit la montagne de Sinai au milieu du desert pour cette magnificence. Mais quelles dispositions & quels prepararifs pensez-vous qu'il exige de ce Peuple? Il veut qu'ils purifient leurs corps des moindres souillures, il veut mesme qu'ils s'abstiennent durant plusieurs jours des plaisirs permis & legitimes, & qu'ils preparent leurs ames par tous les exercices de la pieté à cette insigne faueur. Qu'estoit-ce neantmoins que ce qu'ils devoient voir fur la montagne de Sinaï ? la lueur des éclairs qui les effrayoit, la fumée qui leur cachoit vn Dieu, dont les menaces les épouuantoient. Mais maintenant que Dieu s'est abaissé jusqu'à nous, & s'est reuestu des nuages de nostre chair, pour se rendre tout entier supportable à la foiblesse de nostre veuë; maintenant qu'il a renfermé toutes les richesses de sa sagesse & de sa bonté dans vne nature semblable à la nostre, pour nous les pouuoir toutes communiquer; quelle pureté de cœur, quelle in- Sancti estotegrité & quelle sainteté d'ame croyons-nous qu'il te, quoniam desire? Soyez saints, dit-il, parce que je suis la sain- sum. teté mesme, soyez saints si vous voulez que le Saint Leuit. 19. des saints vous approche, soyez saints si vous voulez qu'il fasse alliance & qu'il lie vne estroite ami-

N 11

tié auec vous, soyez saints si vous voulez qu'il vous fauorise & qu'il vous remplisse de ses graces.

C'est à vostre estat principalement, saintes ames, qu'est deuë cette inessable familiarité, dont Dieu veut honorer les creatures. Vous vous leparez de la corruption dangereuse du siecle pour prendre le parti de Dieu, vous auez purifié vostre cœur des affections basses & honteuses de la terre, pour en consacrer tous les mouuemens par des objets plus nobles & plus saints, vous auez déja protesté à Dieu de ne vouloir plus aimer, ny estimer, ny seruir autre que luy. Tressaillez donc de Gaudete & joye, parce que vostre recompense est abondante & infiniment precieuse. Ce sera dans cette solitude que Dieu parlera àvostre cœur: ce sera dans ce defert qu'il vous fera voir toutes les merueilles

qu'il a voulu faire pour nostre salut.

Ce n'est pas, Messieurs, par vne curiosité temeraire & par vne recherche trop delicate, qu'on penetre les secrets de Dieu. Il se rit des efforts ambitieux de nostre esprit, qui veut percer ces épais Quiscruta- nuages où il se cache: il condamne à l'aueuglestatis, oppri- ment ceux qui veulent auec des yeux superbes apmeturà glo- procher cette lumiere inaccessible qui enuironne son throsne. Mais c'est par la simplicité de la foy, que nous meritons les lumieres de l'intelligence, comme dit Saint Augustin. C'est par vne soumission glorieuse aux ordres de Dieu, & par l'ardeur d'vne charité des-interessée, que nous attirons fur nous ses faueurs.

exultate, quoniam merces vestra copiosa est in Cælis. Matth. 5.

tor est Maje-Prou. 25.

Lavie Religieuse peut estre appellée justement le triomphe de la foy & de la charité. N'est-ce pas vn miracle de foy guere moins grand que celuy du premier pere de tous les Fideles lorsqu'il estoit prest d'immoler toutes ses esperances dans la personne de son fils vnique, de sacrifier ses biens, son corps, ses sens, son esprit mesme & sa volonté, qui est comme le premier né & la plus chere partie de nostre ame, pour des biens que nous ne voyons pas, in spem contra spem, comme l'Apostre dit d'Abraham; pour des promesses inuiolables à la verité, mais obscures & enigmatiques ; pour des esperances esloignées ; pour des grandeurs, qui sont autant au delà de nostre pouuoir, que de nostre connoissance.

Mais encore quel chef-d'œuure de charité plus grand, que celuy de se donner toute entiere en holocauste à son bien aimé, se quitter soy-mesme pour le chercher, passer genereusement par dessus tout ce qu'il ya de charmant, d'agreable & d'attrayant dans le monde, pour courir à sa Croix, Cruci Do-& s'y attacher si fortement, qu'on ne s'en separe mini fortiter adhærere. jamais? il n'y a point de charité plus grande que de donner son ame & savie pour son amy, comme dit le Sauueur; il n'y en a certes guere de plus ardente, que de se dépoüiller de toutes les inclinations de la nature, d'oublier tous les sentimens ordinaires & communs à tous les hommes, enfin de mourir à soy-mesme, & à tout le reste, asin de neviure

que pour son bien-aimé.

N 111

C'est donc l'ouurage d'vne charité merueilleuse que le dessein que vous auez, ma chere sœur. Mais la vie que vous embrassez, est encore vn exercice continuel de cette reyne des vertus. Il est vray que les vertus, dont on y fait profession & les bonnes œuures qu'on y pratique en consequence de vos vœux, ne sont pas, à parler proprement, des œuures de charité: la chasteté, la pauureté volontaire, & l'obeissance peuuent mesme en estre tout à fait dénüées, comme elles ont esté dans quelques payens, & paroistre mortes & corrompues aux yeux de Dieu, faute d'estre animées &viuisiées par l'ame de toutes les vertus, qui est la charité. Mais il faut auouer neantmoins auec tous les Saints Peres, que ces trois vertus sont de puissans secours, & des aydes tres-fortes pour conseruer & pour accroistre la charité. Elle a trois redoutables ennemis reunis en vn corps, qu'on appelle le Monde, qui luy font sans cesse la guerre, & qui luy liurent de dangereux combats, omne quod est in mundo, dit vn Apostre, concupiscentia oculorum, concupiscentia carnis & superbia vita. Mais la pureté ayant vaincu cette conuoitile furieule des plaisirs des sens, la pauureté volontaire ayant surmonté ce desirimmoderé des richesses, & l'obeissance ayant abbattu ce monstre de l'orgueil & de l'ambition; la charité triomphe par tout, elle estend librement ses conquestes dans le cœur; & s'estant rendue maistresse du corps par vne pureté inuiolable, des biens exterieurs par yn abandonnement general,

B. Toan 2.

de l'ame & de l'esprit par vne abnegation entiere de ses sentimens & de ses volontez propres; elle en consacre les dépoüilles & en éleue vnillustre trophée à l'autheur de ses forces & de ses victoires: & apres auoir receu de luy le succez heureux du combat, elle en attend encore des couronnes d'vne

gloire immortelle.

Ainsi c'est dans vne ame veritablement religieuse, que la foy & la charité, ces grandes vertus qui nous font Chrestiens, éclatent auec plus de gloire; mais c'est aussi là qu'elles sont recompenlées de Dieu auec plus de magnificence. Car le moyen de bien penetrer la fainteté & la grandeur de nos Mysteres, n'est pas d'en chercher curieusement les raisons, d'en examiner le fond & la façon, & d'en pretendre découurir le lecret par noltre intelligence naturelle. La temerité des jugemens, l'absurdité des erreurs, & en suite l'aueuglement de l'esprit & l'infidelité est souuent le fruict malheureux de cette orgueilleuse recherche. Le moyen de s'en instruire n'est pas aussi d'en faire si peu de cas, que de sembler auoir entierement oubliéce que nostre Dieu fait homme a fait & enduré pour nostre salut, d'en estoufer toutes les pensées par des pensées de vanité, par des soins inutiles, & par des occupations dangereuses. Ce sont ces espines malheureuses, qui estoufent dans nos esprits la semence diuine de la sainte parole: ce sont des nuages, qui nous cachent la splendeur & la beauté du Soleil de justice. Cependant je ne sçay par quel

### PANEGYRIQVE

horrible malheur ces deux vices, la curiosité temeraire & la negligence criminelle pour nos augustes Mysteres, partagent presque tous les gens du monde. De là vient qu'on trouue si peu de veritables Fideles dans le cœur du Christianisme. Si Cœlo pros- Dieu jette les yeux sur les enfans des hommes, pour voir s'il y en a quelqu'vn, qui connoisse ce në vt videat qu'il doit connoistre, ou qui témoigne par ses actions & par sa vie ce qu'il doit connoistre & ce qu'il doit croire; qu'apperceura-t'il? helas! triste & funeste spectacle! lorsque tous ont tourné le dos à la lumiere du ciel, les vns emportez par la tempeclinauerunt. ste de leurs passions déreglées, les autres troublez par les soins & les affaires tumultueules de cette vie mortelle, les autres trompez par des fantolmes & des ombres de biens qui les flatent, quelques vns mesme abusez par des chimeres & des monstres d'erreurs, que leur orgueil a produits.

> Mais s'il tourne sa veuë sur ces ames heureuses, qui ont choisi la meilleure part de Marie, qui ont abandonné le tumulte & l'embarras du fiecle, & qui sont toûjours aux pieds du Sauueur, pour contempler son visage & écouter sa parole: il verra auec joye qu'elles se sont dégagées de toutes les erreurs & de toutes les conuoitiles qui regnent dans le monde, pour s'vnir à la fource de la verité; qu'elles ont rompu tous les obstacles imaginables pour le chercher; qu'elles sont sans cesse attachées à luy par la priere & par la meditation de ses grandeurs; qu'elles en adorent l'incomprehensible

> > hauteur

pexit luper filios homifi est intelligens & requirens Deum. Pfal. 13.

Omnes de-Pfal. 13.

というとうできないないというできないのできないとうないというないできないというできないできました。

hauteur auec respect, auec crainte & tremblement. Nest-il pas bien juste, Messieurs, que Dieu laissant l'Egypte dans d'horribles tenebres fasse joüir en mesme temps les Israëlites d'vn jour écla-

tant & d'vne lumiere agreable?

Aussi voit-on ces chastes colombes, qui ont choisileur sejour dans les sacrées playes de I E s v s- mea in fora-CHRIST, exprimées dans le Cantique par les trous de la pierre angulaire & fondamentale de Petra autem l'Eglise, auoir ces yeux simples & modestes qui ra- erat Chriuissent l'Epoux Celeste, plus perçans que ceux des 10. Aigles, & assez forts pour soustenir l'éclat des plus Oculi Covifs rayons du Pere des lumieres. Elles croyent auec soûmission d'esprit toutes les grandes merueilles que Dieu nous a reuelées; mais elles en reconnoissent la Sainteté & la Majesté, & enatteignent la hauteur, autant que nous pouuons en rampant sur la terre nous éleuer dans le Ciel.

Car il ya, Messieurs, vne certaine science des choses du Ciel, que l'estude ne donne point, que les liures n'enseignent point, que toutes les escoles des hommes ne peuuent expliquer : Il n'y a que l'esprit de Dieu, qui habite en nous par la charité, qui en soit le maistre: Il en instruit le cœur, qui est preparé comme il faut. Mais cette science n'est pas seulement noble & releuée, elle est douce, elle est sauoureuse, elle est feconde en saintes affections & en actions heroïques. Nous sçauons les histoires des Thereses & des Catheri-

Columba minibus pe-

lumbarum.

nes ces miracles des derniers siecles. Qui sont les esprits si éleuez & si éclairez par la nature & par l'estude, qui ayent veu plus clair dans tous les Mysteres de nostre sainte Foy, qui ayent percé si auant, pour ainsi dire, dans le sein de Dieu, à qui il ait estalé & départi auec plus de largesse les richesses de l'œconomie adorable du Verbeincarné, les thresors de l'adoption & de l'heredité Celeste accordée aux hommes? Ainsi la foy humble & l'amour fidele de ces saintes filles a gaigné son cœur tout entier. Il n'a rien reserué, dont il ne leur ait fait part: & comme le Soleil produit les plus precieux metaux dans les terres les plus desertes & les plus seiches, comme il forme les plus nobles de ses productions dans le creux des abismes de la mer, Dieu prend plaisir à déployer toute l'opulence & la magnificence de ses graces dans ces ames basses & cachées par leur humilité, folitaires & desertes par leur retraite, éloignées de la frequentation des hommes, & priuées de toutes les delices mondaines. Aprés cela, Messieurs, il ne m'est pas difficile de vous faire voir les sujets de satisfactions & de plaisirs solides, que doit auoir vne Epouse de IESVS-CHRIST, lorsque son Epoux & son Roy la fait entrer dans le lieu de ses richesses. C'est ma seconde partie

Gaudebimus & lætabimur in te.

> C'est vne proposition assez estrange & vn paradoxe, qui semble incroyable à ceux qui sont engagez bien auant dans les plaisirs du siecle, de dire

qu'il n'y a point de plaisirs comparables à ceux qu'vne ame sainte gouste en cét estat de penitence & de mortification. Mais l'experience en rend la verité si sensible à la pluspart de ceux qui m'écoutent, & la raison en conuaincra si pleinement les autres, que je ne crois pas qu'aprés ce que j'en dirai, il y ait personne qui en puisse auoir le moindre doute.

Y a-t'il rien de plus doux qu'aprés auoir esté long-temps battu d'vne horrible tempeste de trouuer vn port tranquille & assuré, où par la veuë du naufrage des autres on puisse mieux estimer le bonheur d'en estre échappé? Y a-t'il rien de plus agreable qu'aprés estre sorti victorieux & couuert de gloire des plus furieux combats, de considerer vne sanglante meslée, où le malheur des mourans, la douleur des blessez, & le peril eminent de ceux qui sont encore aux mains, nous fasse ressentir plus fortement les douceurs de la paix glorieuse, que nous nous lommes acquile?

Mais quels naufrages, Mesdames, quelles meslées croyez-vous estre comparables à celles que vous auez éuitées? imaginez-vous, dit le grand S. Cyprien à son cher amy, que vous estes éleué sur vne haute montagne, considerez ce qui se passe au dessous, jettez les yeux de tous costez pour voir les troubles & les orages du monde: la pitié que Fluctuantis vous aurez sans doute du malheur de ceux qui y bines intue. sont engagez, vous touchera le cœur. Mais vous re, sæculi &

beris. Cyprian.

ipse misere- verrez quel sujet de joye vous auez, & quels sentimens de reconnoissance vous deuez à celuy qui Quodeuase- vous a deliuré de tant de perils. Vous verrez le ris, gratula- crime triompher impunement par tout: vous verrez les injustices, les perfidies & la dureté de cœur entre les Chrestiens, plus cruelle qu'entre les bestes farouches: vous verrez des inimitiez irreconciliables, des enuies malignes, des haines mortelles, qui comme des furies impitoyables répandent par tout le trouble, la rage & l'horreur. Les vices mesme les plus honteux & les plus dignes de punition ont perdu cette honte & cette crainte legitime, que la nature leur a donnée; ils prennent des noms specieux; ils dérobent à la vertu ses honter nocentes neurs & ses recompenses; il n'y a plus mesme d'autre crime que de paroistre innocent parmy tant de malos quif- coupables: & comme si le reglement des mœurs de quelqu'vn estoit vn reproche & vne condamnation des desordres publics, c'est offenser les méchans que de ne les pasimiter. La contagion deuient si dangereuse, & la corruption est si generumpi sæcu- rale, qu'estre corrompu & corrompre les autres, lum vocatur. on dit que c'est le monde.

Et pour parler, ma chere Sœur, plus precisement des dangers de vostre sexe; on ne peut estre à la mode & bien mise si par vn luxe cruel & impitoyable, qui arrache aux pauures ce que Dieu vous auoit mis entre les mains pour soulager leur misere, on ne commet autant de crimes, qu'il y a de

Esse jam irinnoxium, criminis est: quis non imitatur offendit. S. Cyprian. Corrumpere & cor-

DE LA VIE RELIGIEVSE. miserables, qu'on deuroit secourir du superflu d'vne juste dépense, au lieu de ruïner sa maison par des excez horribles. On ne peut passer pour spirituelle & de bonne humeur, si l'on ne s'engage dans des conversations trop libres, si l'on veut éuiter des diuertissemens dangereux, & si l'on ne se met sans cesse dans le peril d'allumer par tout des flammes criminelles, & d'en estre mesme confumée.

Voilà, Mesdames, la tyrannie du vice qui Consensêre triomphe, voilà ce qu'on appelle le monde. Les jura peccadesordres sont deuenus si publics, qu'ils semblent licitum esse en auoir perdu leur nature, la coustume les au- quod publithorise, l'impunité leur donne credit, le nombre cum est. & la qualité de leurs partisans les fait marcher en pompe de tous costez. C'est ce que dit Saint Cyprien de son siecle, & quin'est pas moins veritable, & ne se doit pas moins déplorer dans le nostre. Quel esprit assez fort, quel naturel assez heureux, quelle pieté assez establie peut resister à ce torrent impetueux? quel meilleur moyen de mettre son salut en seureté que par la fuite ? C'est donc vn sujet de joye indicible à vne ame soigneuse de son salut de se voir à l'abry de ces funestes tempestes, de se voir hors de la portée de cette gresse mortelle de traits enslammez du Demon qui volent de toutes parts, de voir tous les jours tant de naufrages, & tant de malheureuses personnes tomber à ses pieds, sans estre en danger. Ce sont des

O 111

glorieule.

Que les Mondains aprés cela vantent leurs plaisirs & leurs delices ; qu'ils estalent auec tant d'o-. stentation qu'ils voudront les charmes & les attraits de leur vie licentieuse. Ie ne parle point de ces supplices interieurs d'vne conscience criminelle, qui ne sont pas moins cruels pour estre plus cachez; je ne parle point des terreurs d'vne ame effrayée de la rigueur des jugemens de Dieu; je ne dis rien de ces horribles craintes du funeste changement que doit apporter vne autre vie, & des feux preparez aux coupables. Ce sont neantmoins des suites necessaires de la vie déreglée du monde, dont la confideration doit beaucoup augmenter les douceurs d'vne ame sainte pour les auoir éuitées. Mais voyons ce qu'ils estiment de plus beau & de plus agreable, ce qu'ils appellent honneurs, richesses, plaisirs, puissance, grandeur, prosperité. Ce n'est qu'vn amas d'amertumes cachées par quelque éclat exterieur; ce n'est que de veritables miseres couvertes, pour ainsi dire, d'vne

simple feüille de bon-heur apparent. Car on ne peut nier que tous ces biens quelque brillans & éclatans qu'ils paroissent, n'ayent trois grands defauts. Ils sont extrémement bornez, ils sont meslez de maux inéuitables, ils sont fragiles: leur petitesse ne nous peut assouuir, le mélange des maux nous y afflige, & leur fragilité nous inquiete.

Si ces biens estoient grands, ils rempliroient sans doute nostre cœur, ils arresteroient nos desirs & satisferoient nos esperances. Mais nous voyons au contraire, que si le desir que nous en auons lorsque nous ne les possedons pas nous tourmente, le dégoust qui suit de prés leur possession, ne nous est pas moins insupportable: nous passons d'objets en objets, pour chercher du repos à nostre cœur, & trouuons par tout nos attentes frustrées; comme des malades chagrins, qui se tournent de tous costez, pour trouuer vne place plus commode, & laissent en vn moment celle qu'ils auoient desirée, pour reprendre celle qu'ils viennent de quitter, & qu'ils quitteront encore aussi tost pour vne autre. Ainsi, Messieurs, nous errons lans celle par nos affections changeantes fur toutes les creatures, sans jamais en rencontrer pas vne qui nous satisfasse: & cette agitation continuelle & cette inconstance bizarre montre bien qu'il n'y arien dans ces biens, qui nous puisse arrester long-temps, rien qui puisse assouuir l'auidité de nostre cœur.

Bracteata felicitas. Cyprian. 112

Mais ce seroit peu, s'il n'y auoit encore beaucoup plus de quoy le rebuter & l'affliger, que de quoy le latisfaire, & siles amertumes n'en surpassoient infiniment les douceurs. Ce n'est pas que nous ayons sujet de nous plaindre des presens. que nous a fait le Createur; nous luy deuons de l'amour & de la reconnoissance pour ce qu'il nous a donné, sans pouuoir l'accuser de ce qu'il nous manque quelque chose. C'est le peché qui a messé l'absinte dans tous les contentemens de cette vie; c'est luy qui en a empoisonné toutes les sources, qui deuoient estre pures, & qui en a corrompu toute la douceur. Mais Dieu par vnartifice merueilleux de sa bonté s'est serui de ce messange funeste, pour nous dégouster des biens perissables, & nous faire donner tout nostre cœur à la source de tous les biens. Où sont donc des richesses sans inquietudes, que l'on acquiere sans trauail, que l'on conserue sans crainte, dont on jouisse sans trouble? où sont les honneurs où l'on arrive lans rebuts, où l'on se maintienne sans soupcons. sans chagrins & sans perils? où est la puissance qui ne redoute pas autant ceux qu'elle s'est soûmis, qu'elle leur est redoutable? où sont les plaisirs qui n'ayent pas leurs dégousts, & le plus souuent leurs repentirs? Enfin, où sont les biens, dont l'inconstance & la fragilité ne nous en rendent pas la possession pleine de troubles & de mécontentemens? il n'y en a point sur la terre. Cherchons

dans toutes les parties de l'vniuers, & dans l'étenduë de tous les siecles, nous n'en pourons jamais rencontrer. Il n'y a que dans le Ciel, où les biens sont parfaits & la joye pleine & entiere. Et parce que la vie sainte & Religieuse est vn commencement & vn échantillon de la vie, que nous mene rons vn jour dans le Ciel auec les Anges, ainsi que disent S. Cyprien & S. Chrysostome, il n'y a rien que là qu'il se trouue quelques images & quelques auantgousts de cette felicité pleine & parfaite, pure & dégagée de tous maux, incorruptible & exempte de changement, sans laquelle nous ne pouuons auoir de solide & de veritable joye.

Quelle douceur donc à vne ame éclairée des lumieres du Ciel, de se voir déliurée en vn moment de tant de miseres & de tant de trauerses qui assiegent la vie du monde de toutes parts, de penser qu'elle n'a quitté presque autre chose, que des occasions de pecher & des sujets de mécontentemens, & que cét abandonnement si auantageux de luy-mesme est encore si agreable à Dieu, qu'il le recompense de ses plus signalées faueurs; que de ce peu de bien & de plaisir qu'il y a dans les creatures, elle en a pû faire vn holocauste si noble & si excellent, qu'il n'y a que Dieu seul qui en puisse estre la recompense? Quelle douceur, ma chere Sœur, de penser que si vous auez quitté quelque chose, qui pust vous charmer dans ces biens, c'est pour vn Maistre magnisique, qui s'en temble To pounder contenir.

14 PANEGYRIQVE

fent obligé, & qui a promis de s'en ressentir; que ces petits auantages nous sont rendus dés cette vie auec vne vsure immense, & que l'oblation que nous luy en auons faite, merite encore vne vie eternelle?

Quand la vie Religieuse auroit des difficultez & des peines étranges, il n'y en a point de si rudes, que ces agreables pensées ne doiuent adoucir. Connoistre que Dieus'est rendu nostre debiteur, qu'il a engagé sa parole de combler de biens ceux qui abandonneront la moindre chose pour son service, sçauoir qu'il regarde nostre offrande auec des yeux de complaisance & de faueur, aimer vn Dieu de l'amour duquel vous estes asseurée, dont la bonté vous est connuë, & dont vous ressentez tous les jours les liberalitez: ce sont des plaisurs assez purs & assez solides, pour dissiper toutes les tristesses & tous les dégousts imaginables.

Que diray-je de ces communications admirables & de ces entretiens sauoureux des ames saintes auec leur Epoux? Elles habitent en luy, & il habite en elles, Dilectus meus mihi, & ego illi; dit cette épouse amoureuse: il les flate de mille consolations; il les fait jouïr pleinement de cette paix tranquille, que le monde ne peut donner. Mais qu'en puis-je dire? Il faut auoir goûté ces douceurs, pour en pouuoir parler dignement: encore sont-elles si inessables, que la bouche a peine à exprimer ce que le cœur humain pour estre trop étroit servel.

semble ne pouuoir contenir.

Cant. 2.

Ce seroit à vous, Mesdames, à nous en apprendre quelque chose, si les bontez de vostre époux n'estant jointes auec vostre gloire, vostre modestie ne vous empeschoit de publier les merueilles que vos vertus ont meritées, comme ses misericordes les ont produites. Ie me contente de ce qu'en dit Tertullien, dans vn liure qu'il écrit à sa femme. Regardez, dit-il, auec admiration ces genereuses filles, que les auantages de l'âge & de formæ vel la beauté n'ont pû empescher de preferer la sain- atatis occateté d'vne vie penitente au mariage. Elles ont maritis sanépousé IESVS-CHRIST solennellement; c'est citatem anà luy seul qu'elles veulent plaire, & qu'elles teponunt. ont referué toute leur beauté; elles viuent auec Deonubere, luy; elles s'entretiennent sans cesse auec luy; elles Deo sunt speciosa, sont occupées jour & nuit à luy donner des témoi- Deo sunt gnages de leur amour, & à en receuoir du sien. puellæ. Par vn commerce admirable elles luy presentent viuunt, cum pour dot leurs prieres & leurs bonnes actions, & illo sermociil leur donne pour presens, en faueur de ce saint nantur, il-lum diebus Mariage, les plus precieux ornemens des vertus, & noctibus & les plus extraordinaires richesses de ses graces, tractant, ora-Ainsi estant encore sur la terre, elles commen-dotes Docent à goulter les douceurs eternelles du Ciel, & mino affiviuant parmy les hommes, sans en contracter les gnant, ab eodéfauts, elles jouissent déja des auantages des tionem velut Anges. munera ma-

Tous les Saints Peres, aussi-bien que Tertul-ritalia recilien, n'ont rien trouué sur la terre qui pust repre- Sic zter-

Pii

num sibibo- senter le bon-heur de cette sainte profession, ils num Domi-ni occupaue- n'ont point fait difficulté de dire, qu'elle égale runt, acjam le bon-heur des Anges, & que comme leur dégain terris non gement de tous les plaisirs sensuels & de toutes familia An- les vaines occupations de la terre, les rend femgelica depu- blables en pureté à ces esprits immateriels & incorruptibles, leurs contentemens aussi ne sont pas moins nobles & moins parfaits. Si ces purs esprits contemplent sans cesse cette inessable beauté de l'autheur de toutes les beautez, c'est le principal deuoir de la vie que vous embrassez: Si ces lumieres toutes pures allument dans leurs volontez vn brasier ardent d'amour & de charité, c'est ce mesme seu, qui doit consumer sans cesse toutes les imperfections de la terre dans vos ames: Si cette ardeur les embrase si doucement & si agréablement, que leur cœur se fond en plaisurs &s'exhale pour ainsi dire en respects, en louanges, & en benedictions pour l'autheur de leur felicité, de sorte neantmoins, qu'estant dans la possession entiere de ce qu'ils aiment, leur rassassement n'empesche pas leur auidité, & l'accomplissement de leurs desirs ne fait que les enflammer dauantage; ce mesme amour produit dans ces ames Religieuses les mesmes plaisirs. Elles possedent Dieu sensiblement, puisqu'il habite dans elles comme dans son temple; il y fait sentir sa presence en y versant ses graces, & en y operant ses merueilles: & c'est ce qui tire sans cesse de leur cœur des sen-

timens d'allegresse & de respect; c'est ce qui tire de leur bouche ces actions de graces, & ces louanges qui les occupent nuit & jour ; c'est ce qui les rend si promptes & si courageuses dans toutes les actions du seruice de Dieu: mais cette possession ne fait qu'augmenter leur desir de s'vnir de plus en plus à ce cher objet de leur amour. Ainsi ces saintes ames se nourrissent de ces mesmes viandes geloru maninuisibles dont se nourrissent les Anges, elles ducauit hoont les mesmes lumieres, les mesmes ardeurs, Psal 77.

les mesmes plaisirs & les mesmes emplois.

Il est vray, qu'icy bas ces lumieres ne sont pas sans quelques ombres, le feu de la charité ne brusle pas sans quelque resistance, ces plaisirs sont interrompus, ces emplois ne sont pas sans peines; mais le merite de la Foy dans cette obscurité, les victoires de la charité dans ces resistances, la generosité de l'esperance dans ce retardement d'vne joye parfaite & d'vne jouissance entiere, le courage dans les trauaux, qui accompagnent ces emplois, ne font que redoubler l'amitié & les faueurs de Dieu enuers nous, augmenter les graces, multiplier nos couronnes; & par consequent nous doiuent estre des sujets de joye & de contentemens tous nouueaux.

C'est cette manne cachée, que le Sauueur prometà ceux, qui aprés auoir vaincule monde par dabo manna son secours & à son exemple, se sont rangez pour tum. jamais sous l'étendart de la Croix. Les plaisirs Apoc. 2.

P 111

fummitate ce morior. 1. Reg. 14.

fuauitatis. Sap. 16.

qu'on gouste dans le monde, sont semblables à ce Gustans gu- miel, dont gousta Ionathas au bout d'vne verge, staui paulu- qui artira sur luy la colere du Ciel & la justice de son pere, & pensaluy faire fouffrir vne mort honvirgæ, & ec- teuse. On les gouste en passant, à peine touchentils la superficie de nos lévres, & incontinent ils nous font ouurir les yeux, pour voir les mal-heurs qui nous menacent, & la mort éternelle qui nous est preparée. Mais la joye que produit en nous l'eslectametum prit de Dieu, est vne manne qui vient du Ciel auec toutes les douceurs imaginables. Les vrais Israëlites n'ont garde de se souuenir des viandes grossieres de l'Egypte, si ce n'est pour considerer la seruitude cruelle où ils estoient, lorsqu'ils en estoient remplis, & pour rendre graces à celuy qui les en a tirez.

O Saints Israëlites, que vos tabernacles sont Tanquam remplis de solides plaisirs! ce sont des bois dont la verdure éternelle dessend de toutes les ardeurs tia, tanquam cuisantes, & donne vne fraischeur salutaire: ce paradisus su- sont d'agreables vergers dont les fleurs par leur per fluuios, douce odeur, par la varieté de leurs beautez, & dri Libani par la diuersité de leurs saueurs charment tous les iuxta aquas. sens: ce sont des forteresses que le Dieu des armées & le Dieu de la paix a basties, où il fait regner vne paix tranquille & asseurée: ce sont des Cedres incorruptibles, dont la teste s'éleue au dessus des foudres & des tempestes & se porte jusque dans le Ciel, & dont les pieds arrosez sans cesse des plus

obumbran-

# DE LA VIE RELIGIEVSE. claires eaux de la grace en tirent vne fraischeur &

vne verdeur immortelle.

Ioüissez donc, machere Sœur, du bon-heur de l'estat où vous entrez auec reconnoissance & actions de graces enuers Dieu qui vous le pro- mino in ticure, mais auec crainte & deffiance, pour nostre more& exulfragilité commune. Seruez ce Seigneur, qui vous tate ei cum tremore. fait tant de graces auec vn saint abaissement, & Psal. 2. réjoüissez-vous en luy auec vn tremblement plein de respect. Nous portons les thresors de Dieu dans des vases d'argile, comme dit le grand Apostre: cette manne du Ciel, que vous allez gouster, si elle n'estrecueillie auec soin, se fond & s'éuanoüit en vn instant. Rendez vostre vocation certaine par vne pratique assiduë de toutes les vertus: reconnoissez que tous vos bons desseins, toutes vos saintes pensées sont des presens de vostre Epoux Celeste, comme dit Tertullien. C'est luy qui d'vn seul mot fait poindre la lumiere du Ciel au milieu des plus épaisses tenebres. C'est luy qui répand dans vostre cœur ces saintes douceurs, qui sont que vostre terre produit des fruits si beaux & si admirables. C'est de luy que vous auez receu le courage & les forces, qui vous rendent aujourd'huy victorieuse des ennemis de vostre salut. C'est à luy que vous deuez cette paix heureuse où vous allez entrer. C'est de luy que vous deuez obtenir par des prieres continuelles & par des exercices constans des plus heroiques vertus la conti-

## 120 PANEGYRIQVE

nuation de tant de faueurs. Enfin c'est de luy que vous deuez desirer auec ardeur, esperer auec certitude, attendre auec patience l'accomplissement de tous vos desirs, le fruit de vos trauaux, la recompense de vos merites, le triomphe de vos victoires par les richesses, la gloire, & les couronnes immortelles, qu'il vous prepare dans son Royaume.

des vales d'arrile, comme de le erand-Ano



deampaieres continuelles & par des exerci

PANEGYRIQUE